

Izvještaj o radu Uprave policije MUP-a Kantona Sarajevo za mjesec novembar 2017.godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu novembru 2017. godine, na području Kantona Sarajevo registrovano je 441-no krivično djelo što je za 28 ili 6,8% više u odnosu na isti mjesec prethodne godine.

Od ukupnog broja registrovanih krivičnih djela, 205 ili 46,5% izvršeno je od strane poznatih, a 236 ili 53,5% od strane nepoznatih izvršilaca.

Za 76 djela ili 32,2% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 38 krivična djela iz izvještajnog, a 38 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu novembru 2017. godine za ukupno 281-no krivično djelo ili 63,7%, identifikovali osumnjičene izvršioce, što je za 2,9% manje u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 260 lica (25 ili 10,6% više), od čega je 181 povratnik (35 ili 24% više) u izvršenju krivičnih djela (ili 69,6% od ukupnog broja lica), tri maloljetnika (dva ili 40% manje), a 105 lica je lišeno slobode (tri ili 2,8% manje).

U mjesecu novembaru 2017. godine u odnosu na isti mjesec prethodne godine, zabilježeno je povećanje broja registrovanih krivičnih djela za 28 ili 6,8%. Najznačajnije povećanje je zabilježeno u oblasti protiv javnog reda i pravnog prometa (za 17 djela), zdravlja ljudi (za 13), sigurnosti javnog prometa (za šest), spolne slobode i morala (za tri djela), itd., dok je smanjenje evidentirano u oblasti protiv imovine (za 11 djela), djela regulisanih ZONDINOIM-om (za četiri), slobode i prava čovjeka i građanina (za dva), pravosuđa (za dva), itd.

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca novembra 2017. godine u ovoj oblasti evidentirano je 19 krivičnih djela (jedno više u odnosu na novembar 2016. godine), i to: ubistvo – jedno djelo (jedno manje), teška tjelesna ozljeda – sedam (jedno manje), lahka tjelesna ozljeda – devet (dva više), učestvovanje u tuči i nepružanje pomoći po jedno djelo (ova djela nisu bila registrovana u uporednom mjesecu).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 19 lica, od kojih je 12 povratnika ili 63,2%, a devet je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 19 krivičnih djela (dva manje): - ugrožavanje sigurnosti za čije su izvršenje prijavljena 23 lica.

Krivična djela ugrožavanja sigurnosti počinjena su upućivanjem verbalnih prijetnji, pisanjem poruka prijetjećeg sadržaja i sl. bez težih posljedica po oštećene.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su četiri djela (tri više) i to: spolni odnošaj s djetetom - dva djela, silovanje i navođenje na prostituciju - po jedno djelo, za čije izvršenje su nadležnom tužilaštvu prijavljena četiri lica.

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirana su 22 djela (jedno više) i to: nasilje u porodici - 20, oduzimanje djeteta ili maloljetnika i oduzimanje djeteta ili maloljetnika u pomaganju - po jedno djelo. Zbog postojanja osnova sumnje da su počinili ova djela prijavljena su 23 lica, a 14 je lišeno slobode.

1.2.5. KRIVIČNA DJELA PROTIV ZDRAVLJA LJUDI

Prijavljeno je 50 krivičnih djela iz oblasti protiv zdravlja ljudi (13 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – četiri,
- posjedovanje i omogućavanje uživanja opojnih droga (čl. 239. KZ FBiH) – 46 djela.

Zbog postojanja osnova sumnje da su počinili navedena djela podneseni su službeni izvještaji protiv 51 lica , a 24 su lišena slobode.

Pregled oduzete količine opojnih droga u mjesecu novembru 2017./16. godine

Vrsta opojne droge	novembar 2017. godine	novembar 2016. godine
Marihuana (u gramima)	1.495	263
Marihuana (paketići)	67	18
Marihuana (JOINT - cigarete)	4	2
Heroin (paketići)	---	8
Amfetamin (paketići)	3	24
Amfetamin (u gramima)	101,5	247
Kokain (paketići)	5	----
Ecstasy (tablete)	---	31
Cannabis (sjemenke)	---	90
Pribor sa ostacima droge	5	5

Takođe s ciljem pronalaženja narkotičkih sredstava izvršen je pretres 17 lica kao i pet stambenih objekata i automobila po usmenim naredbama Opštinskog suda u Sarajevu.

KRIVIČNA DJELA PROTIV IMOVINE

U ovom mjesecu, registrovano je 265 krivičnih djela protiv imovine, što je za 11 djela ili 4% manje u odnosu na isti mjesec prošle godine. Među djelima iz ove oblasti najbrojnije su: teške krađe – 149 djela (22 manje), zatim krađe – 37 (12 više), razbojništvo – 47 (isti broj), oštećenje tuđe stvari – 17 (tri više), teška krađa u pokušaju - pet (jedno više), utaja – tri (jedno manje), prijevara – dva (jedno manje), itd.

Za ukupno 108 djela ili 40,8% identifikovan je osumnjičeni izvršilac što je za 10,3% manja rasvijetljenost imovinskih delikata u odnosu isti mjesec predhodne godine.

Kada su u pitanju teške krađe, prema objektu izvršenja najbrojniji su bili stambeni objekti - 73 (14 manje), zatim slijede motorna vozila (otuđenja pmv i “provale” u ista) - 45 slučaja (isto), poslovni prostori - 17 (jedno manje), itd.

Na području Kantona Sarajevo u mjesecu novembru ove godine izvršeno je 29 krivičnih djela teških krađa motornih vozila od čega je 11 ili 37,9% pronađeno i vraćeno vlasnicima (od strane policije MUP-a KS vraćeno je pet vozila, drugih policijskih agencija - tri i vlasnici su pronašli – tri vozila).

Broj teških krađa motornih vozila, povećan je za četiri vozila ili 16%.

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv sedam lica (dva više), a zbog iznude novca za povrat ukradenih vozila protiv jednog lica.

Prijavljeno je 37 krivičnih djela krađe (12 više), koja su izvršena 11 puta u poslovnim prostorijama, osam u stambenim objektima, pet puta u vozilima i na stajalištima GRAS-a, 10 puta na ulici, itd., odakle su otuđivani novčanici, tehnička roba, alati, građevinski materijal, prehrambeni proizvodi, auto dijelovi, itd.

Evidentirana su četiri krivična djela teških krađa na naročito opasan ili naročito drzak način (22 ili 84,6% manje), u kojima su izvršioc, upotrebom fizičke snage – tri puta, te verbalnom prijetnjom u jednom slučaju, otimali mobitele, tašne i novac. Ova djela izvršena su na ulici tri puta i jedno u stanu.

Dva djela “drskih krađa” (ili 50%) su rasvijetljena što je za 30,7% manje, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica povratnika u činjenju krivičnih djela.

U izvještajnom mjesecu, registrovano je 47 krivičnih djela razbojništva (isti broj), od čega je za 20 ili 42,6% identifikovan osumnjičeni izvršilac (što je za 6,3% manje u odnosu na uporedni mjesec). Ova djela izvršena su prijetnjom upotrebe vatrenog oružja - 24 puta, prijetnjom upotrebe noža ili drugog oštrog predmeta – 17 i upotrebom fizičke snage – šest puta, a počinjena su u prodavnicama – 27 puta, u sportskim kladionicama – šest, na ulici osam, benzinskoj pumpi - dva, itd. Otudivan je novac, mobiteli, cigarete, jedno pmv, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 20 lica, od kojih je 19 povratnika u činjenju krivičnih djela ili 95%, a deset je lišeno slobode.

Iz ove oblasti evidentirano je pet djela (jedno više) i to: izazivanje opće opasnosti - tri, nesavjesno čuvanje pasa i drugih opasnih životinja i teška krivična djela protiv opće sigurnosti ljudi i imovine - po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, koja su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 29 krivičnih djela (17 više) i to: nasilničko ponašanje – 14 djela (devet više), nedozvoljeno držanje oružja ili eksplozivnih materija - pet (pet više), napad na službenu osobu u vršenju poslova sigurnosti – četiri (jedno više), krivotvorenje isprave i povreda mira pokojnika - po dva, itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 36 lica (osam više), od kojih je 31 povratnik (ili 86,1%), a 18 je lišeno slobode.

KRIVIČNA DJELA POČINJENA OD STRANE MALOLJETNIH LICA

U toku mjeseca novembra 2017. godine prijavljena su **tri maloljetna lica** zbog osnova sumnje da su učestvovala u izvršenju **pet krivičnih djela**. U odnosu na isti mjesec prethodne godine, broj prijavljenih maloljetnih učinilaca smanjen je za dva ili 40%, a broj krivičnih djela koja su izvršili smanjen je za tri ili 37,5%.

Prijavljeni maloljetni izvršioци su u dobi između 14 i 16 godina – dva i u dobi od 16 do 18 godina - jedan. Od ukupnog broja maloljetnih izvršilaca, dva (ili 66,7 %) su povratnika u izvršenju krivičnih djela.

Maloljetnici su prijavljeni za izvršenje dva krivična djela nasilničkog ponašanja, krađa, teška krađa i teška krađa u pokušaju – po jedno djelo.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku novembra 2017. godine registrovan je jedan **slučaj aktiviranja minsko-eksplozivnih sredstava** (kao i u novembru 2016. godine) što je za posljedicu imalo smrt jednog lica (samoubistvo).

U proteklom mjesecu evidentirane su dvije anonimne dojave o postavljanju eksplozivnih naprava (u novembru 2016. godine nije bilo).

POŽARI

Tokom mjeseca novembra 2017. godine, na području Kantona Sarajevo registrovano je 16 požara (sedam više), koji su za posljedicu imali materijalnu štetu.

Prema statističkim pokazateljima, sedam požara je izazvano namjerno, sedam zbog tehničkih nedostataka, dok uzroci dva požara spadaju u kategoriju ostalih.

Zbog izazivanja požara nadležnom tužilaštvu su podnesena dva službena izvještaja iz člana 323 KZ FBiH (izazivanje opće opasnosti).

SAMOUBISTVA

U mjesecu novembru 2017. godine na području Kantona Sarajevo registrovana su dva samoubistva (sedam manje), izvršena vješanjem i aktiviranjem eksplozivne naprave. Izvršioi su muškarci starosti 46 i 61 godinu.

JAVNI RED I MIR

Policijski službenici su u toku mjeseca novembra 2017. godine zbog raznih oblika narušavanja javnog reda i mira uručili/podnijeli ukupno **325 prekršajnih naloga i zahtjeva** za pokretanje prekršajnog postupka (naloga - 170, zahtjeva - 155), što u odnosu na isti mjesec 2016. godine predstavlja smanjenje za 44 ili 11,9%. Prekršajne sankcije su preduzete **protiv 368 lica** (43 ili 10,5% manje).

Od ukupnog broja prekršajnih sankcija, 47 se odnosi na lica koja su i ranije činila prekršaje (povratnici). Prema starosnoj strukturi lica koja su činila prekršaje, najbrojniji su oni starosne dobi preko 36 godina (231), zatim između 26 i 35 (77) i između 19 i 25 godina (53), dok je sedam maloljetnih lica.

Prema broju prekršajnih sankcija, najbrojniji su prekršaji učinjeni **prosjačenjem - 106 ili 32,6%** od ukupnog broja, dok je znatno manje sankcija preduzeto zbog prekršaja učinjenih **naročito drskim ponašanjem - 60 ili 18,5%**, **tučom - 42 ili 12,9%**, te **odbijanjem naređenja i omalovažavanjem policijskih službenika - 22 ili 6,8%**. Zbog prekršaja koji su učinjeni svadom, vikom i nepristojnim ponašanjem preduzeto je 10 prekršajnih sankcija, zbog neovlaštene upotrebe oružja - jedna i zbog ostalih prekršaja 73 prekršajne sankcije. Zbog prekršaja utvrđenih Odlukom općinskih vijeća uručeno/podneseno je 11 naloga i zahtjeva.

Tabelarni pregled strukture prekršaja iz oblasti javnog reda i mira za novembar 2017/16. godine

STRUKTURA PREKRŠAJA	novembar 2017.	novembar 2016.	+ - %
UKUPNO prekršajnih naloga i zahtjeva za ppp	325	369	-44 ili 11,9%
UKUPNO lica	368	411	-43 ili 10,5%
Prekršaji prema Zakonu o prekršajima protiv JRiM:	314	319	-5 ili 1,6%
<i>-Tuče</i>	42	42	isto
<i>-Naročito drsko ponašanje</i>	60	55	5 ili 9,1%
<i>-Odbijanje naređenja i omalovažavanje pol. služb.</i>	22	41	-19 ili 46,3%
<i>-Prosjačenje</i>	106	131	-25 ili 19,1%
<i>-Svada, vika, nepristojno ponašanje</i>	10	11	-1 ili 9,1%
<i>-Paljenje petardi</i>	0	1	-1
<i>-Neovlaštena upotreba oružja</i>	1	0	1
<i>-Ostali prekršaji</i>	73	38	35 ili 92,1%
Ukupno naloga/ zahtjeva prema Odluci o.v. o JRM	11	50	-39 ili 78%

U odnosu na isti mjesec 2016. godine, povećan je broj prekršaja učinjenih naročito drskim ponašanjem (za pet), neovlaštenom upotrebom oružja (za jedan), ostali prekršaji (za 35), broj prekršaja učinjenih tučom ostao je isti, dok je broj svih ostalih prekršaja smanjen.

Prema mjestu izvršenja, a na osnovu broja uručenih prekršajnih naloga i podnesenih zahtjeva za pokretanje prekršajnog postupka, najveći broj prekršaja učinjen je **na ulici i na drugim otvorenim prostorima - 283 ili 87,1%**, a znatno manje u ugostiteljskim objektima – 14, u školama i školskim dvorištima – tri, sportskim terenima – dva, trgovinskim radnjama - jedan, dok su na ostalim mjestima registrovana 22 prekršaja.

Tabelarni pregled broja prekršaja u mjesecu novembru 2017/2016. godine, prema mjestu izvršenja

MJESTO IZVRŠENJA	NOVEMBAR 2017.	NOVEMBAR 2016.	+ - %
Ulica i drugi otvoreni prostor	283	326	-43 ili 13,2%
Ugostiteljski objekti	14	28	-14 ili 50%
Sportski stadioni i dvorane	2	1	1 ili 100%
Vozila javnog saobraćaja	0	0	---
Škole i školska dvorišta	3	0	3
Trgovinske i zanatske radnje	1	1	isto
Ostala mjesta	22	13	9 ili 69,2%
UKUPNO	325	369	-44 ili 11,9%

U odnosu na isti mjesec 2016. godine, povećan je broj prekršaja izvršenih na sportskim terenima, u školama i školskim dvorištima, kao i na ostalim mjestima, broj prekršaja izvršenih u trgovinskim radnjama ostao je isti, dok je broj prekršaja učinjenih na ostalim mjestima smanjen.

Prilikom narušavanja javnog reda i mira u proteklom mjesecu, nije bilo teže povrijeđenih (kao ni u istom mjesecu 2016. godine), dok je lakše povrijeđeno 16 lica (dva više), među kojima je jedno maloljetno lice.

Na području Kantona Sarajevo u mjesecu novembru 2017. godine održano je 259 javnih skupova (38 ili 17,2% više u odnosu na novembar 2016. godine). Policijski službenici su proveli planske aktivnosti javnih skupova, koji su protekli bezbjedno, dok je u 46 slučaja izvršeno KDZ osiguranje.

SAOBRAĆAJ

Tokom mjeseca novembra 2017. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda i nezgoda sa materijalnom štetom, dok je smanjen broj nezgoda sa nastradalim licima i broj nastradalih lica.

Registrovano je 888 saobraćajnih nezgoda (22 ili 2,5 % više), 827 sa materijalnom štetom (41 ili 5,2 % više) i 61 sa nastradalim licima (19 ili 23,7 % manje).

U naselju je registrovano 788 saobraćajnih nezgoda (jedna sa poginulim, 51 sa povrijeđenim licima i 736 sa materijalnom štetom), van naselja 100 nezgoda (devet sa povrijeđenim licima i 91 sa materijalnom štetom).

Evidentirano je 165 saobraćajnih nezgoda na raskrsnicama u naselju, 17 na raskrsnicama van naselja, sedam na pješačkom prelazu i 699 saobraćajnih nezgoda čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
za mjesec novembar 2017./2016. godina

	nov. 2017	nov. 2016.	+, -, %
UKUPNO SAOBRAĆAJNIH NEZGODA	888	866	+ 22 ili 2,5 %
Saobraćajne nezgode sa nastradalim licima	61	80	- 19 ili 23,7 %
Saobraćajne nezgode sa materijalnom štetom	827	786	+ 41 ili 5,2 %
POGINULO LICA	1	2	- 1 ili 50 %
- vozači	0	1	- 1
- putnici	0	0	-----
- pješaci	1	1	isto
POVRIJEĐENO LICA	75	106	- 31 ili 29,2 %
- vozači	49	45	+ 4 ili 8,9 %
- putnici	16	34	- 18 ili 52,9 %
- pješaci	10	27	- 17 ili 63 %

POSLJEDICE SAOBRAĆAJNIH NEZGODA

Tokom mjeseca novembra 2017. godine, u saobraćajnim nezgodama na području Kantona Sarajevo 76 lica je nastradalo (32 ili 29,6 % manje). Jedno lice je poginulo (jedno manje), dok je 75 lica povrijeđeno (31 ili 29,2 % manje), sedam teže i 68 lakše.

Među povrijeđenim licima evidentirano je:

- 49 vozača (četiri više)
- 16 putnika (18 manje)
- 10 pješaka (17 manje)

Kada je u pitanju stepen povreda, četiri vozača su teže, a 45 lakše povrijeđena, 16 putnika je lakše povrijeđeno, dok su tri pješaka teže, a sedam lakše povrijeđena.

Starosna struktura lica povrijeđenih u saobraćajnim nezgodama je sljedeća: od 31 do 40 godina – 19 ca, od 25 do 30 godina – 17 lica, od 21 do 24 godine – 10 lica, od 18 do 20 godina – sedam lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 718 nezgoda u kojima su 52 lica nastradala (jedno lice poginulo, 51 lice povrijeđeno), na magistralnim putevima – 78 nezgoda (12 lica povrijeđeno), na lokalnim putevima – 45 nezgoda (jedno lice povrijeđeno), na regionalnim putevima – 19 nezgoda (šest lica povrijeđeno) i na putevima koji se ubrajaju u kategoriju ostalih – 28 saobraćajnih nezgoda u kojima je pet lica povrijeđeno

UZROCI SAOBRAĆAJNIH NEZGODA

Od ukupno 888 uzroka saobraćajnih nezgoda, 103 su bila zbog neprilagođene brzine (25 lica povrijeđeno), devet zbog uticaja alkohola (bez nastradalih lica), dok uzroci za 776 saobraćajnih nezgoda spadaju u kategoriju ostalih (jedno lice poginulo, 50 lica povrijeđeno).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca novembra 2017. godine, kontrolisano je ukupno 23.098 vozila (5.233 manje), 6.314 lica u vozilima (609 više), izvršen je pregled 211 vozila (141 manje) i 227 lica u vozilima (75 manje).

Zbog tehničke neispravnosti iz saobraćaja je isključeno 25 vozila (36 manje), 235 vozača je zatečeno da upravljaju vozilom pod dejstvom alkohola (174 manje), 421 bez korištenja sigurnosnog pojasa (699 manje), 89 bez položenog vozačkog ispita (50 manje), 149 bez važeće registracije (68 manje) i 41 vozač koji je upravljao vozilom pod izrečenom zaštitnom mjerom (u istom mjesecu prošle godine nijedan).

Zbog kršenja propisa iz oblasti sigurnosti saobraćaja uručen je 16.691 prekršajni nalog vozačima (3.944 manje u odnosu na novembar prošle godine) i podneseno 150 zahtjeva za pokretanje prekršajnog postupka (18 više). Evidentirano je 16 krivičnih djela zbog ugrožavanja sigurnosti javnog prometa (šest više).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca novembra 2017. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 6.854 prekršajna naloga (1.046 manje), upozoreno je 526 vozača (51 manje), a specijalnim vozilom "pauk" premješteno je 357 vozila (127 više).

Takođe, pješacima koji su kršili propise uručeno je 270 prekršajnih naloga (587 manje), a upozoreno je 107 pješaka (155 manje).

ZAKONITOST U RADU

Tokom mjeseca novembra 2017. godine, registrovana su četiri napada (jedan više) na policijske službenike MUP-a Kantona Sarajevo. U napadima su učestvovala četiri punoljetna lica protiv kojih su podneseni službeni izvještaji.

Policijski službenici su u četiri slučaja opravdano upotrijebili silu (jedna više):

- ❖ fizičku snagu i sredstva za vezivanje – tri puta i
- ❖ fizičku snagu - jednom

Tokom mjeseca novembra 2017. godine razmatrane su 42 predstavke na rad službenika policije među kojima je za 12 predstavki (jedna više), data saglasnost da se sprovede unutrašnja istraga. Za 22

predstavke je odlučeno da se izvrši provjera i prikupi potrebna dokumentacija, za pet predstavki da nema osnova za provođenje istrage, za dvije da se pripoje ranijem spisu, dok je za jednu predstavku donesena odluka o nenadležnosti.

Postupano je po 44 predstavke iz ranijeg perioda, tako da je vođeno ukupno 56 unutrašnjih istraga.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U izvještajnom mjesecu evidentirano je pet djela regulisanih ZONDINOIM-om (četiri manje) počinjenih od strane šest lica.

U sklopu aktivnosti na oduzimanju nelegalno posjedovanog oružja i drugih predmeta oduzeto je: deset pištolja, tri puške, pet "eksplozivnih naprava", jedno "teško oružje", 13 „noževa, mačeva i sl.“, dva boksera, 678 komada municije raznog kalibra, itd.

U mjesecu novembaru ove godine fizičkim licima izdato je 60 odobrenja za nabavku vatrenog oružja (43 manje) i 97 oružnih listova (16 manje).

6. RAD POLICIJE U ZAJEDNICI

U okviru Rada policije u zajednici u toku novembra 2017. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Sarajevo, 14.12.2017.godine

**Odjeljenje za odnose sa javnošću
MUP-a Kantona Sarajevo**